



KEMENTERIAN PERDAGANGAN DALAM NEGERI
DAN HAL EHWAL PENGGUNA

**KERATAN AKHBAR
DAN MEDIA ONLINE
UNTUK MAKLUMAN :**

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (K&P)
SETIAUSAHA AKHBAR**

3 OKTOBER 2019 (KHAMIS)



KEMENTERIAN PERDAGANGAN DALAM NEGERI
DAN HAL EHWAL PENGGUNA

**KERATAN AKHBAR
DAN MEDIA ONLINE
(KPDNHEP)**

3 OKTOBER 2019 (KHAMIS)

Sita 297 beg **ciplak**

KPDNHEP rampas barangan tiruan bernilai RM27,600

Oleh Siraj Mohd Zaini
siraj@hmetro.com.my

Shah Alam

Sebuah premis di Seksyen 16 di sini, yang menyimpan pelbagai beg tangan dan dompet tiruan jenama antarabangsa diserbu penguat kuasa Kementerian Perdagangan Dalam Negeri dan Hal Ehwal Pengguna (KPDNHEP) kelmarin.

Pengarah KPDNHEP Selangor, Muhamad Zikril Azan Abdullah berkata, operasi dijalankan kira-kira jam 12 tengah hari itu turut disertai wakil cap dagang jenama terbabit.

Menurutnya, hasil pemeriksaan mendapati pelbagai beg tangan dan dompet ti-



BUTIK di Seksyen 16 diserbu penguat kuasa KPDNHEP selepas menyimpan barangan tiruan menggunakan jenama antarabangsa.

ruan menggunakan jenama terkenal.

"Siasatan mendapati premis membuat jualan secara dalam talian melalui Facebook dan Instagram.

"Harga dompet dijual pada harga RM39 hingga RM49 manakala beg tangan RM80 hingga RM120 seunit," katanya dalam satu kenyataan, semalam.

Beliau berkata, stok barangan tiruan terbabit dipercayai dibeli dari pemborong tempatan dan dipasarkan ke seluruh negara secara dalam talian.

"Pihak kami menyita sebanyak 297 unit beg tangan dan 24 dompet pelbagai saiz dan bentuk yang dianggarkan bernilai RM27,600.

"Seorang wanita berusia 30 tahun yang juga pekerja premis ditahan di bawah Seksyen 8 Akta Perihal Dagangan 2011," katanya.

Katanya, jika sabit kesalahan boleh dikenakan denda maksimum RM15,000 bagi setiap barangan yang diletakkan perihal dagangan palsu atau dipenjarakan lebih lima tahun atau kedua-duanya.

Beg tangan, dompet tiruan RM27,600 dirampas

SHAH ALAM - Kementerian Perdagangan Dalam Negeri dan Hal Ehwal Pengguna (KPDNHEP) Selangor menyita sebanyak 297 beg tangan dan 24 dompet pelbagai jenama tiruan bernilai RM27,600 dalam serbuan di sebuah butik berhampiran Alam Avenue Jalan Serai Wangi G16/G, Seksyen 16 di sini kelmarin.

Pengarah KPDNHEP Selangor, Muhammad Zikril Azan Abdullah berkata, hasil serbuan, pihaknya menemukan barangan berkenaan yang disyaki menggunakan perihal dagangan palsu beberapa jenama yang dipamerkan untuk jualan.

Beliau berkata, hasil siasatan juga mendapati dompet itu dijual RM39 hingga RM49 seunit manakala beg tangan pula dijual RM80 hingga RM120 seunit.

"Stok barangan jualan dipercayai diperoleh daripada pemborong tempatan dan di-



FOTO: IHSAN KPDNHEP SELANGOR KELMARIN.

Anggota KPDNHEP menjalankan pemeriksaan pada beg tangan yang dipamerkan di premis berkenaan menerusi operasi berkenaan.

pasarkan seluruh Malaysia secara atas talian.

"Selain itu, wakil pemilik cap dagangan juga telah membuat pengesahan ke atas barangan yang ditemui di premis tersebut," katanya dalam satu kenyataan di sini semalam.

Susulan serbuan itu, Muhammad Zikril berkata, kes disiasat mengikut Seksyen 8 Akta

Perihal Dagangan 2011 (APD 2011) dan turut menahan seorang wanita tempatan berusia 30 tahun bagi siasatan lanjut.

"Jika sabit kesalahan, pemilik perniagaan boleh didenda maksimum RM15,000 bagi setiap barang atau penjara selama tempoh tidak melebihi lima tahun atau kedua-duanya," katanya.

35 companies shortlisted for franchise awards

THE Malaysian Franchise Association and the Ministry of Domestic Trade and Consumer Affairs will jointly host the Malaysia Franchise Awards (MFA) 2019 to be held at the Royal Chulan Hotel tomorrow.

A total of 35 finalists from 17 categories were announced at a press conference held at the Seri Pacific Hotel on Sept 27.

MFA vice chairman Datuk Zahriah Abd Kadir said the new awards introduced this year are – the Best Reporter Award and Best Franchise Industry Article Award under the best media category and best student's business plan award for undergraduate students under the open category.

Ministry of Domestic Trade and Consumer Affairs' Franchise Development Division director Shamshuzaman Sulaiman said a total of 899 franchise companies have registered with the ministry as of Aug 31, under the food & beverage, education and service categories.

"The objective of MFA 2019 is to recognise franchise industry players and to serve as a benchmark of excellence in the industry.

"The government has drafted many programmes to boost the franchise sector including having promotions in foreign countries," he said.



ORANG ramai membeli barangan keperluan yang dijual pada harga RMI sempena Program Jom Kongsi Rezeki@Pasar Tani di Taman Wira Mergong, semalam.

Oleh Noorazura
Abdul Rahman
am@hmetro.com.my

Kongsi rezeki

*10,000 asnaf terima bantuan makanan
sumbangan peniaga, pengunjung pasar tani*

Alor Setar

Lembaga Pemasaran Pertanian Persekutuan (Fama) menyasarkan lebih 10,000 asnaf di seluruh negara menerima bantuan menerusi Program Jom Kongsi Rezeki di pasar tani seluruh negara setiap minggu.

Ahli Lembaga Pengarah Fama, Adnan Saad berkata, asnaf terbabit dikenal pasti menerusi kerjasama pejabat zakat dan Jabatan Kebajikan Masyarakat (JKM) negeri masing-masing.

Katanya, bantuan berkenaan seperti barangan ma-

kanan dikumpul daripada peniaga pasar tani serta pengunjung untuk diserahkan kepada sekurang-kurangnya 10 asnaf di satu tapak pasar tani.

"Kami ada 1,000 lokasi pasar tani seluruh negara, ini bermakna 10,000 asnaf terima bantuan setiap minggu.

"Contohnya hari ini, kami serahkan beras, gula, minyak masak, tepung dan lain-lain kepada 30 asnaf

yang tinggal berdekatan pasar tani Taman Wira, Mergong.

"Kami perluaskan ke seluruh Kedah dan 1,000 pasar tani di seluruh negara selepas program ini dilancarkan pada Julai lalu di Tapak Pasar Tani Putrajaya," katanya selepas melancarkan Program Jom Kongsi Rezeki di Pasar Tani, semalam.

Menurutnya, program itu diilhamkan daripada kesi-

nambungan Program Food Bank Malaysia yang diterajui Kementerian Perdagangan Dalam Negeri dan Hal Ehwal Pengguna (KPD-NHEP).

Katanya, jumlah penerima ditambah mengikut sumbangan dan pihaknya turut menggunakan khidmat Majlis Pengurusan Komuniti Kampung (MPKK) untuk mengenal pasti golongan sasaran di kawasan luar bandar.